



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13, 89/16, 5/22 i 31/24) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08, 5/22 i 39/25), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2022. GODINU HRVATSKE SELJAČKE STRANKE STJEPANA RADIĆA

Broj: 03-07-6-425/23
Sarajevo, 24.12.2025. godine

S A D R Ź A J

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI.....	5
5.2 PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske seljačke stranke Stjepana Radića za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2022. godinu, utvrđeno je da je Hrvatska seljačka stranka Stjepana Radića prekršila odredbe člana 4. stav (1), člana 11. stav (1) i člana 12. Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske seljačke stranke Stjepana Radića za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2022. godinu, Hrvatska seljačka stranka Stjepana Radića se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	47.866,56	100,00
8.	Prihodi od propagande (3-g)	0,00	0,00
I	Ukupni prihodi (1-8)	47.866,56	100,00
II	Ostali prihodi i drugo	1,37	0,00
	Izvori finansiranja (I+II)	47.867,93	100,00

U godišnjem finansijskom izvještaju za 2022. godinu Hrvatska seljačka stranka Stjepana Radića je iskazala rashode u ukupnom iznosu od 30.916,78 KM.

2. PREDSTAVLJANJE POLITIČKE STRANKE

Naziv političke stranke je Hrvatska seljačka stranka Stjepana Radića. Skraćeni naziv stranke je HSS Stjepana Radića.

Hrvatska seljačka stranka Stjepana Radića registrovana je kod Općinskog suda u Travniku, Rješenjem broj: 051-0-F1-12-000001 od 04.04.2012. godine.

Sjedište političke stranke je u Novom Travniku, Stjepana Radića bb.

Lice ovlašteno za predstavljanje i zastupanje stranke je Anto Lozančić, predsjednik.

Lice ovlašteno za podnošenje finansijskih izvještaja za 2022. godinu je Niko Dujo.

Prema podacima iz godišnjeg finansijskog izvještaja za 2022. godinu, Hrvatska seljačka stranka Stjepana Radića ima sljedeću organizacionu strukturu:

- Predsjedništvo,
- 2 kantonalna odbora,
- 2 gradska odbora i
- 12 općinskih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske seljačke stranke Stjepana Radića za 2022. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je troškove izborne kampanje ostvarila u okviru zakonom utvrđenog limita.

Obim pregleda i kontrole finansijskog izvještaja Hrvatske seljačke stranke Stjepana Radića obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled i kontrolu finansijskih izvještaja Hrvatske seljačke stranke Stjepana Radića u periodu od 2005. do 2021. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2021. godinu, izdat je Izvještaj o pregledu sa mišljenjem revizora, nalazima revizije i preporukama stranci da finansijska sredstva obezbijeđena za finansiranje stranke koristi u skladu sa svojim programom i statutom, da vodi poslovne knjige u skladu sa računovodstvenim propisima, odnosno da vodi pravilne i potpune evidencije o poslovanju gotovim novcem, prihodima, rashodima i obavezama, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da u finansijskom izvještaju iskaže koristi ostvarene od aktivnosti subjekata koji su na bilo koji način povezani sa strankom ili su pod njenom kontrolom.

Nerealizovane preporuke:

Na osnovu uočenih nedostataka u godišnjem finansijskom izvještaju za 2022. godinu, utvrđeno je da politička stranka nije ispoštovala sve preporuke revizije.

5. NALAZI I PREPORUKE

5.1 NALAZI

a) Hrvatska seljačka stranka Stjepana Radića prekršila je odredbe člana 4. stav (1) Zakona o finansiranju političkih stranaka¹.

(1) Hrvatska seljačka stranka Stjepana Radića je u godišnjem finansijskom izvještaju za 2022. godinu iskazala rashode u ukupnom iznosu od 30.916,78 KM.

Programom utroška sredstava za 2022. godinu, stranka je planirala rashode u ukupnom iznosu od 49.938,00 KM. Politička stranka je dana 26.01.2023. godine Centralnoj izbornoj komisiji BiH dostavila Rebalans programa utroška sredstava za 2022. godinu, koji nije razmatran jer je podnesen nakon što je završena 2022. godina.

Analizirajući Program utroška sredstava za 2022. godinu, utvrđeno je da je politička stranka planirane troškove prekoračila za iznos od 399,00 KM.

¹ Finansijska sredstva iz člana 3. stav (1) Zakona o finansiranju političkih stranaka, politička stranka može koristiti isključivo za ostvarivanje ciljeva utvrđenim svojim programom i statutom.

Programom utroška sredstava, stranka je predvidjela troškove sitnog inventara, kopir papira, tonera i drugo u iznosu od 500,00 KM, a ostvarila ih je u iznosu od 781,00 KM, što je za 281,00 KM više od planiranih. Bankarske usluge stranka je planirala u iznosu od 400,00 KM, a u finansijskom izvještaju ih je iskazala u iznosu od 518,00 KM, što je za 118,00 KM više od planiranih.

S obzirom da je finansijska sredstva u ukupnom iznosu od 399,00 KM utrošila mimo Programa utroška sredstava, Hrvatska seljačka stranka Stjepana Radića prekršila je odredbe člana 4. stav (1) Zakona o finansiranju političkih stranaka.

- (2) Uvidom u račune koje je stranka evidentirala na kontu troškova goriva za grijanje utvrđeno je da je Hrvatska seljačka stranka Stjepana Radića izvršila nabavku peleta u količini od 1.050 kg dana 17.11.2022. godine u iznosu od 588,00 KM, te je platila prevoz u iznosu od 10,00 KM.

Imajući u vidu navedeno, te da je u ugovorima o zakupu poslovnih prostora koje je stranka koristila u Novom Travniku, Travniku i Vitezu navedeno da komunalni troškovi (voda, kanalizacija, odvoz smeća i električna energija) padaju na teret najmodavca, kao i činjenicu da stranka nije uspostavila evidencije o troškovima po organizacionim odborima, nije moguće utvrditi u koju svrhu je izvršena nabavka peleta, tj. u koju svrhu su utrošena finansijska sredstva stranke.

b) Hrvatska seljačka stranka Stjepana Radića prekršila je odredbe člana 11. stav (1) i člana 12. Zakona o finansiranju političkih stranaka.

Pregledom godišnjeg finansijskog izvještaja, utvrđeno je da Hrvatska seljačka stranka Stjepana Radića nije uspostavila tačne evidencije o novčanim tokovima, nije vodila poslovne knjige u skladu sa računovodstvenim propisima, te nije uspostavila tačne evidencije o svojim prihodima i rashodima, čime je prekršila odredbe člana 11. stav (1) i člana 12. stav (1) i stav (2) Zakona o finansiranju političkih stranaka. Takođe, politička stranka obrasce godišnjeg finansijskog izvještaja za 2022. godinu nije popunila u skladu sa Pravilnikom o godišnjim finansijskim izvještajima političkih stranaka (u daljem tekstu: Pravilnik), čime je prekršila odredbe člana 12. stav (4) Zakona o finansiranju političkih stranaka.

- (1) Stranka je u finansijskom izvještaju, koji je podnijela Centralnoj izbornoj komisiji BiH iskazala pogrešan promet putem transakcijskog računa broj: 3386702220429453 kod Unicredit Bank d.d., čime je prekršila odredbe člana 11. Pravilnika.

Politička stranka je u finansijskom izvještaju prijavila promet sa sljedećim prometom: početno stanje na dan 01.01.2022. godine u iznosu od 11.014,77 KM, ukupan promet ulaza u iznosu od 111.352,45 KM, ukupan promet izlaza u iznosu od 89.804,46 KM i stanje na dan 31.12.2022. godine u iznosu od 32.562,76 KM.

Uvidom u poslovne knjige i izvode sa transakcijskog računa utvrđeno je sljedeće: početno stanje na dan 01.01.2022. godine u iznosu od 11.014,77 KM, ukupan promet ulaza u iznosu od 68.655,10 KM, ukupan promet izlaza u iznosu od 47.107,11 KM i stanje na dan 31.12.2022. godine u iznosu od 32.562,76 KM.

- (2) Pregledom godišnjeg finansijskog izvještaja i dodatne dokumentacije je utvrđeno da stranka nije uspostavila potpune i tačne evidencije o rashodima stranke, te ih nije pravilno iskazala u godišnjem finansijskom izvještaju i poslovnim knjigama, čime je prekršila odredbe člana 21. i 22. Pravilnika.

- Hrvatska seljačka stranka Stjepana Radića je u godišnjem finansijskom izvještaju pogrešno iskazala troškove zakupnine poslovnih prostora. Naime, stranka je troškove poslovnih prostora koje je koristila u Vitezu i Travniku, iskazala kao troškove ostalih zakupnina.
- Stranka u poslovnim knjigama i obrascu 4.1 (režijsko-administrativni i ostali troškovi) godišnjeg finansijskog izvještaja, nije iskazala troškove zakupnine poslovnog prostora koje je koristilo predsjedništvo stranke u Novom Travniku.

Stranka je dostavila Ugovor o zakupu poslovnog prostora koji je zaključen sa fizičkim licima I. L. i Lj. L., na period od 01.01.2021. do 31.12.2022. godine. Uvidom u ugovor utvrđeno je da je stranka tokom 2022. godine koristila poslovni prostor 12 mjeseci uz mjesečni zakup od 300,00 KM i po tom osnovu ostvarila troškove zakupnine poslovnog prostora u iznosu od 3.600,00 KM.

(3) Hrvatska seljačka stranka Stjepana Radića nije pravilno popunila obrazac 5 (obaveze) godišnjeg finansijskog izvještaja, čime je prekršila odredbe člana 24. Pravilnika.

Stranka je u dijelu obrasca 5 (Obaveze političke partije) finansijskog izvještaja u koji se upisuju podaci o datumu obaveze, obaveze koje je trebala iskazati na dan 31.12.2022., navela datum 15.01.2023. godine.

(4) Uvidom u račune pravnih lica „Sofa MM“ d.o.o. Vitez, broj: 00384-S od 06.04.2022. godine u iznosu od 590,92 KM i broj: 008309 od 03.11.2022. godine u iznosu od 781,00 KM, te „Ecos“ d.o.o. Vitez, broj: 13012022-20-51/2022-4709 od 13.01.2022. godine u iznosu od 117,00 KM i broj: 13012022-120-5/2022-4709 od 13.01.2022. godine u iznosu od 30,00 KM utvrđeno je da pomenuti računi nisu potpisani od strane korisnika usluga, niti je potvrđen prijem robe ili izvršenje usluge. Takođe, utvrđeno je da računi nisu ovjereni za knjiženje i plaćanje.

(5) Hrvatska seljačka stranka Stjepana Radića je u skladu sa odredbom člana 12. stav (2) Zakona o finansiranju političkih stranaka² imala obavezu da u godišnji finansijski izvještaj uključi koristi ostvarene od aktivnosti udruženja „Hrvatski narodni sabor Bosne i Hercegovine“, koje je povezano sa političkom strankom, jer je stranka članica ovog udruženja³.

Troškovi izborne kampanje

Prema odredbama člana 15.10 Izbornog zakona Bosne i Hercegovine, politička stranka za potrebe izborne kampanje ne smije potrošiti više od 0,30 odnosno 0,20 KM po biraču u svakom izbornom krugu, prema broju birača koje je objavila Centralna izborna komisija Bosne i Hercegovine.

Prema podacima Centralne izborne komisije Bosne i Hercegovine Hrvatska seljačka stranka Stjepana Radića je u svrhu izborne kampanje za Opće izbore 2022. godine mogla potrošiti sredstva u iznosu od 248.887,78 KM.

Politička stranka je obrascu 4.2 godišnjeg finansijskog izvještaja za 2022. godinu iskazala troškove izborne kampanje u iznosu od 2.583,00 KM.

5.2 PREPORUKE

Preporučuje se političkoj stranci Hrvatska seljačka stranka Stjepana Radića da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da finansijska sredstva obezbijedena za finansiranje stranke koristi u skladu sa svojim programom i statutom,***
- ***da vodi poslovne knjige u skladu sa računovodstvenim propisima, odnosno da vodi pravilne i potpune evidencije o prihodima i rashodima,***
- ***da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i***
- ***da u finansijskom izvještaju iskaže koristi ostvarene od aktivnosti subjekata koji su na bilo koji način povezani sa strankom ili su pod njenom kontrolom.***

² Politička stranka obavezna je u svom izvještaju uključiti sve koristi ostvarene od aktivnosti subjekata koji su na bilo koji način povezani sa političkim strankama ili su pod njenom kontrolom.

³ Hrvatski narodni sabor Bosne i Hercegovine kao udruženje promoviše političke stranke i njene članove, učestvuje u provođenju izborne kampanje i kreira programe koji su bitni samo političkim strankama, članicama ovog udruženja.

KOMENTAR:

Hrvatska seljačka stranka Stjepana Radića je dostavila očitovanje na nalaze revizije date u Preliminarnom izvještaju o pregledu godišnjeg finansijskog izvještaja za 2022. godinu.

Stranka se u svom očitovanju osvrnula na nalaz kojim je utvrđen prekršaj člana 4. stav (1) Zakona o finansiranju političkih stranaka i navela iznose planiranih troškova prema Rebalansu programa utroška sredstava za 2022. godinu. S obzirom da je stranka tek 26.01.2023. godine Centralnoj izbornoj komisiji Bosne i Hercegovine dostavila Rebalans programa utroška sredstava za 2022. godinu, primjedba stranke nije uvažena.

Služba za reviziju je razmotrila i ostale primjedbe političke stranke, uvažila sve argumentovane primjedbe i u skladu s time korigovala nalaze revizije iz preliminarog izvještaja.

Šef Odsjeka za revizijske poslove

Sanja Tošović

Šef Odsjeka za predrevizijske i administrativne poslove

Rijad Selmanović

Pomoćnik revizora

Dragomir Elez